

欽定中樞政考

欽定中樞政考目錄卷之二十三

緣營

巡洋

拏獲偷渡外洋

盤獲入口匪犯酌免出口處分

盜船出入海口

匪船沿邊私駕出洋

哨船搶取商船財物

海洋夷船被劫

巡船遭風

巡船被刦捏報遭風

巡船遭風受困官兵議敘

巡船遭風漂沒官兵議卹

換班兵丁在洋遭風受困給賞月糧

海口停泊遭風

巡洋官兵擒盜被害議卹

巡洋官兵曾經出兵打仗殺賊立功受傷續

經遭風淹斃議卹

拏獲偷渡外洋

一沿海營汛員弁拏獲偷渡外洋十名以上者
專管官紀錄一次兼轄官毋庸議敘兵役賞
銀二兩二十名以上者專管官紀錄二次兼
轄官紀錄一次兵役賞銀四兩三十名以上
者專管官加一級兼轄官紀錄二次兵役賞
銀六兩四十名以上者專管官加二級兼轄
官紀錄三次兵役賞銀八兩五十名以上者
專管官以應陞之缺卽用兼轄官加一級兵

役賞銀十兩其所賞兵役銀兩卽於偷渡船
戶名下追出充用倘不實力稽察以致偷渡
者將專管兼轄各官并兵役人等按計偷渡
名數分別議處責革如能另案拏獲偷渡人
犯按其所獲名數抵銷准其開復倘有拏獲
偷渡人犯隱匿不報或賄縱者官員兵役照
例議處責革治罪

例載處分則
例海禁門

盤獲入口匪犯酌免出口處分

一匪船混冒出口後進口時洋面尚無失事報案守口官能細心盤察獲犯解究者免其從前失察出口處分外若案已別經發覺知會關掣於匪徒進口時盤獲破案其失察出口處分應議降級調用者改照所降之級留任扣滿年限開復

盜船出入海口

一盜犯從外洋竊發咎在出洋分巡委巡之員將守口官免議若盜由海口以內奪坐船隻出洋爲盜將失察之守口各官議處若守口官能自行拏獲者免議至外洋行劫之盜散黨登岸混冒入口守口官失於覺察議處限緝全獲開復限滿不獲照例處分如於限內盜犯被鄰境拏獲者減等議處

例載處分則例海禁門

匪船沿邊私駕出洋

一沿海巡查武職并守口員弁失察匪船不由
汛口沿邊私駕出洋者均照例議處若匪船
私駕出洋駛回時洋面尙無失事報案該管
武職能細心盤察獲犯解究者免其從前失
察處分如案已別經發覺知會開拏始行盤
獲破案者其從前失察沿邊私駕之處量行
酌減議結倘官員於獲犯時意存迴護不將
盜匪偷越地方究明指出者亦照例處分

例載

處分則創
海禁門

哨船搶取商船財物

一商船在洋遭風著淺該汛弁兵不爲救護而反搶取財物拆毀船隻以致商人斃命或搶取貨物商人未致斃命者俱照例分別治罪在船將備如同謀搶奪雖兵丁爲首該員亦照爲首兵丁例治罪雖不同謀而分賊者以爲從論若實係不能約束並無通同分肥情弊者照例議處若失風被淹商人救援得生兵丁因而撈搶財物者照律治罪該管官

束不嚴亦照例議處如淹斃人命在先弁兵
見有漂沒無主船貨撈搶入已不報者
坐贓論罪如見船覆溺因不許搶救貨物
撈不救以致商人斃命者阻救之人係官革
職兵丁革退分別首從照律治罪凡哨船於
未出口之前取同船兵丁不致搶物爲匪述
名甘結在船將弁加結申送該上司存案巡
哨回日仍取同船兵丁在洋並無搶物爲匪
扶同隱匿事發願旨並坐甘結送該上司查

覈如弁兵在洋搶取商民財物上司不係同

船失於覺察或通同庇匿并提督總兵明知

不行查叅者均照例分別覈議

例載處分則例海禁門

總督巡撫交吏部議處如沿海營汛弁兵極

力救護失風人船不私取絲毫貨物者該管

官據實申報總督巡撫提督總兵官記功遇

有水師千總把總缺出擇其熟諳水師而功

多者拔補其守備以上官員救護商船二次

者紀錄一次備弁兵內因救護商人或受傷

被溺該總督巡撫確查保題照因公差委弁
兵受傷被溺例給與卹典

海洋夷船被刦

一外國夷船被刦巡洋各弁失於防範初察限
滿不獲將分巡委巡專汛兼轄總巡統轄各
官及統巡總兵各照例分別議處

例載處分
則例巡洋

門

巡船遭風

一各省巡洋官弁管駕哨船在洋陡遇暴風擊碎船隻漂沉軍械水師巡洋官員卽速呈報督撫提鎮委員確驗實係人力難施並非管駕不慎出結保題免其賠補動支錢糧修造如有捏報情弊將捏報之員叅革提問扶同出結官弁失於查明具題之提督總兵均照例分別議處

例載處分則
例巡洋門

總督巡撫交吏部

議處

一巡船遭風擊碎水師巡洋官員呈報遲延者

按其年月分別議處

例載處分則
巡洋門

至總督巡

撫一聞稟報卽速差員覈勘明確出具保結

題請修補以半年爲限均於題報本內聲明

有無逾限如總督巡撫具題遲延移咨吏部

議處

巡船被劫捏報遭風

一海洋巡船被盜焚劫巡哨各員叅革船隻著落各該員分賠補造地方有專汛兼統之員能於限內拏獲盜犯首夥過半者免其處分若疎防限滿不獲及二叅限滿獲盜尚未及半專汛兼轄統轄及總兵提督均各照例分

別議處

例載處分則
巡洋門

一巡船在洋被盜焚劫希圖動項造補捏報遭風規避處分者巡哨各員均叅革提問扶同

徇隱之地方專汎兼轄統轄及不據實揭報

之總兵失於查察之提督各照例議處例載處分

則例巡洋未經查出違行題報之總督巡撫交

吏部覈議如專汎兼轄統轄各員並無隨同

徇隱情事督撫提鎮查明據實叅奏者均免

其處分仍令題叅疎防照巡船被盜之例辦

理

巡船遭風受困官兵議敘

一巡洋官兵如有遭風受困浮水登岸扶板遇救幸獲生全者官准軍功加一級兵丁及舵工水手俱照軍功頭等傷例給銀三十兩至內洋內河因公差委及停泊海口島嶼等處修造船隻遭風受困幸獲生全者官准軍功紀錄二次兵丁人等照軍功二等傷例減半給銀十二兩五錢

巡船遭風漂沒官兵議卹

一官兵出洋巡哨遭風漂沒身故者提督給銀
八百兩總兵七百兩副將六百兩叅將五百
兩遊擊四百兩都司三百五十兩守備三百
兩守禦所千總二百兩營衛千總一百五十
兩把總一百兩經制外委照把總給予提督
總兵各加贈三級副將叅將各加贈二級遊
擊都司守備千總把總各加贈一級應得祭
葬行文禮工二部議奏提督總兵廕子弟一

人以都司補用副將叅將遊擊廕子弟一人
以守備補用都司守備廕子弟一人以衛千
總補用千總把總廕子弟一人以把總補用
額外外委馬兵給銀七十兩步兵給銀五十
兩舵工水手食名糧者照步兵例給賞如係
雇募之丁給銀二十五兩兵丁人等應給之
銀如無妻子親屬承受者給銀二兩該督撫
等委官致祭

一大洋大江黃河洞庭洪澤等湖危險地方凡

官兵因公差委并領運弁兵黃河下埽之人
遭風漂沒身故者照議卹巡洋官兵淹斃之
例辦理其奉調考驗之官弁兵丁遭風漂沒
身故者照前例減半給與卹賞銀兩官各減
一等給與廕贈

一官兵人在內洋內河因公差委及停泊海
口島嶼等處漂沒身故者照巡洋官兵淹斃
之例官員減一等分別廕贈其卹賞銀兩減
半給與外委官兵人等均減半給與卹賞銀

兩

一水師官兵在洋被風漂失該督撫一聞稟報
卽委員確切詳查一面分咨沿海各督撫令
地方官一體挨查如果查無下落取具地方
官印結送部兵部將漂失官兵照出洋巡哨
遭風漂沒身故例減半議卹官仍照漂沒身
身故例降等給與廕贈

一出洋巡哨差委各兵遭風船壞被溺身故該
督撫逐案題明請卹如外洋內洋內河內江

等處因公差遣或一二兵丁遭風溺故並未
壞船該督撫照例動項分別卹賞報部歲底
造冊彙題請銷

一在洋漂失官兵該督撫分咨沿海各省挨查
統限八個月如至限滿地方官印結尙未送
齊該督撫一面具題請卹一面查明未覆各
處催取印結補送倘該弁兵等於既經議卹
之後偶有漂至遠處外番遇救生還者係官
該督撫具題兵丁咨部將前議卹賞銀兩於

該官兵復職歸伍應得俸餉內扣抵

換班兵丁在洋遭風受困給賞月糧

一福建省赴臺灣換班并班滿撤回以及因公差遣往來臺灣廈門各兵渡越海洋有遭風船壞飄至廣東省遇救得生者受困處地方官卽確實查明如離福建省路遠受困較重按該兵應得月糧各賞給三個月路近困輕者各賞給兩個月其管押之千總把總外委亦照兵丁給卹令其回福建將銀數花名造冊咨明福建省查覈照數撥還其船隻亦令

廣東省地方官查明修葺福建省動項撥解

歸款

海口停泊遭風

一巡船回哨停泊海口揀派官兵加意防範若遇暴風非駕船出洋人力難施者可比倘有因碰壞船隻斷纜漂失該督撫提鎮委官確驗各海口被風情形相同實係風力猛勇難以收泊並非看守不慎者船隻仍免其賠補若所報之日各海口船隻均未被風或船內並無官兵受困或止兵丁受困官員並未在船顯有捏報情弊者看守官兵并捏報之員

分別議處治罪
例載處分則
例巡洋門

巡洋官兵擒盜被害議卹

一官員出洋巡哨因擒拿盜匪被賊戕害奉

旨照陣亡例賜卹或奉

旨交部議卹者提督給銀八百兩總兵七百兩副將

六百兩參將五百兩遊擊四百兩都司三百

五十兩守備三百兩守禦所千總二百兩營

衛千總一百五十兩把總一百兩經制外委

照把總給與提督給騎都尉又一雲騎尉世

職總兵給騎都尉世職副將以下把總經制

外委以上俱給與雲騎尉世職襲次完時給與恩騎尉世襲罔替應得祭葬行文禮工二部議奏應得

勅書移咨吏部辦理額外外委馬兵給銀七十兩步兵給銀五十兩舵工水手食名糧者照步兵例給賞如係雇募之丁給銀二十五兩兵丁人等應給之銀如無妻子親屬收受者給銀二兩該督撫等委官致祭

一凡大洋大江及內洋內河官兵因公差委及

奉調考驗在途猝遇盜匪如能奮不顧身殺賊捐軀者俱照巡洋官兵擒盜被害之例減半給與卹賞銀兩官減一等給與廕襲提督給與騎都尉總兵給與雲騎尉襲次完時俱給與恩騎尉世襲罔替副將以下經制外委以上俱給與恩騎尉世襲罔替若猝然遇賊被害者非擒盜被害可比照因公殞命減半之半給與卹賞銀兩毋庸議給廕襲

一官兵在洋因擒拏盜匪被害該管巡哨各官

捏報遭風淹斃或本係遭風淹斃捏報被賊
戕害者將該管巡哨各官及未經查明奉行
題報之提督總兵各照例議處

例載處分則
例卹賞門

巡洋官兵曾經出兵打仗殺賊立功受傷續
經遭風淹斃議卹

嘉慶十七年四月內奉

上諭汪志伊等奏臺灣換回弁兵在洋遭風淹斃一摺
據稱此次臺灣換回之督標撫標五營四起弁兵伍
得喜等配坐商船於二月初七日夜在澎湖洋面陡
遇暴風漂至外洋小金與地方冲礁擊碎淹斃弁兵
及水手人等一百餘人等語可憫之極不忍覽視向
來官兵因公差委遭風漂沒者係照巡洋官兵淹斃

之例辦理此次淹斃弁兵九十餘員名內如有曾經
出兵打仗及殺賊受傷者著該督撫查明加恩照陣
亡例賜卹該弁兵等均有名冊可稽卽據實查覈毋
稍冒濫其未經出兵受傷仍照巡洋例議卹嗣後弁
兵設遭風淹斃均著照此例分別覈辦至其餘淹斃
水手及鳧水得生兵丁仍照例卹賞沉失官製軍械
均查明照例咨部辦理再海洋風濤危險官兵遠涉
亦應加以慎重著該督撫飭知各將領於往來配渡
時均宜察看風帆諒吉開行俾資順利毋得冒險輕

涉致有疎虞欽此

一巡洋官兵遭風淹斃如有曾經出兵打仗及
殺賊受傷者照陣亡例議卹其未經出兵受
傷者仍照巡洋例議卹

欽定中樞政考目錄卷之二十三

綠營

關津

無票出口

私給出邊關印票

城門鎖鑰

搜查參珠

攜帶軍器

雲南臨安開化二府設立關口

青海蒙古置買鐵鍋等物

蒙古賊犯入內地殺掠

外番入內地

蒙古貿易

外國進貢

外國船遭風飄入內地

澳門夷船給照

廣東廣州廉州肇慶三府飽渡船隻准給編

號為驗

外洋商船攜帶礮械

蒙古攜帶軍器

徇縱廢鐵黑鉛

稽察鐵鍋出洋

鐵鍋不准貨賣出洋

停辦洋船運帶硫磺入口

嚴禁私運黃偷漏出口

嚴禁私造渡船

禁止頭蠶湖絲綢緞等物出洋

查驗民人眷屬過臺灣

無照民人偷渡過臺灣

臺灣民人越界

臺灣船隻私越口岸

內地民人私越越南

私越朝鮮邊界

畧買番仔入口

喇嘛進香出口人數不符

販運糧米議敘

失察販運糟麴

無票出口

嘉慶十六年十月內奉

旨刑部奏酌定偷挖黃芪人犯罪名一摺著依議行矣
黃芪爲藥植所需附近貧民零星挖賣在所不禁若
至聚集多人並倚衆拒捕則必應按律治罪現將偷
挖黃芪明定科條稽察嚴密小民自不敢干犯禁令
但近年口外游民衆多伊等本係無業之徒趨利若
鶩邊外所產如鉛斤木植不一而足設奸民等舍此
趨彼聚集既衆必仍滋事端若逐案增定條例亦屬

繁碎此事總在沿邊關隘於無業游民出口時認真查禁爲正本清源之道出口之民旣少自不致羣相糾集牟利逞兇從前所定守口文武員弁處分較輕率多視爲具文以致關禁廢弛著吏兵二部會同議將守口官弁縱放及失察無票民人出口處分酌改加重庶該員等自顧考成實力稽察不致仍前懈玩欽此

一直隸宣化鎮屬之東柵口西柵口鎮崑口青平塘子盤道口四望磚墩新鎮樓野雞山門

樓口安邊墩靜樓墩鎮衝臺盤道臺鳳凰臺
鎮宜臺鎮水臺水關臺鎮口臺小水口四海
營盤鎮河臺口古北口提督所屬之遵化口
喜峯口潘家口義院口大毛山黃土嶺等關
口如有民人出入樵採羅糴耕種傭工者呈
明該州縣每年給與印票一次將年貌姓名
造冊移交該口官弁按冊驗票年貌姓名相
符准其出入該州縣將給過印票守口官將
放過人數於歲底彙造清冊呈報兵部查覈

如無州縣印票或票與冊內所開年貌姓名不符概不許其出入

一山西各隘口如有遠處民人取有張家口同知或本籍地方官印票及種地莊頭帶有綏遠城將軍及右衛城守尉滿漢木牌方許出入其近邊居民出入採捕糶糴傭工耕種之人取有鄉地保結並連名互結開明年貌丁口註定檔案交 口弁兵按檔驗明准其出入

一甘肅嘉峪關每日辰開酉閉將進出口人盤詰放行如有情願出關墾種民人呈明地方官給與照票守口員弁驗明年貌方准其出口

一凡邊關隘口綠營守口官員若民人並無用印文票及有文票人數浮多失察偷度者按計名數分別議處若放出私販人口或受賄縱放者照例分別議處治罪若夾帶違禁貨物徇縱放出者按其所帶之物分別治罪如

失察盜犯逃犯偷渡者亦按其失察名數照例議處如該管官拏獲及半者免議或該管官拏獲未能及半及別處拏獲破案者將未獲名數減等議處如有隱匿不報者照諱盜

例處分

例載處分則
例關禁門

出口之人帶有印票該管官不卽驗票放行

稽遲勒指者照例議處至驗票兵丁有需索

等弊該管官如實係失察照在官人役犯事

例議處

例載處分則
例關禁門

一 張家口獨石口凡出入等物分守口旗員
驗票盤查如有失察違禁等物責在旗員營
員免其處分

私給出邊關印票

一關口以內武職官員違例私給印票出邊口者或給出外國接壤邊口印票者各照例分

別覈議

例載處分別
例關禁門

城門鎖鑰

一直省城門及各府州縣城門鎖鑰均歸城守武職掌管務須督率兵丁按例以時啟閉稽查出入倘有任意遲留放人出入或將鎖鑰不親自收管任聽兵丁私行開門放奸匪出入者將專管官照例分別議處

例載處分則例關禁門

搜查參珠

一山海等關除搜獲參鬚參末細小歪斜珠子及斤兩無多者毋庸議叙給賞外如一年內搜獲人參至二十斤或珠子至四兩者該管官紀錄一次巡查人等共賞銀二十兩搜獲人參至四十斤或珠子至八兩者該管官紀錄二次統轄官紀錄一次巡查人等共賞銀四十兩搜獲人參至六十斤或珠子至十二兩者該管官紀錄三次巡查人等共賞銀六

十兩獲獲人參至八十斤或珠子至十六兩
者該管官加一級統轄官紀錄二次巡查人
等共賞銀八十兩再有多獲者照數遞加其
賞銀移咨戶部撥給

一山海等關如有搜查不力以致私帶人參珠
子過關者將該管統轄各官并巡查人等按
其失察私帶斤兩多寡并知情賣放分別議
處治罪

例載處分則
緝私門

攜帶軍器

一文武官員出差赴任回籍及商民人等出外貿易等事除鳥鎗不許攜帶外如有攜帶弓箭腰刀長鞭刀長槍等項途中防護者在京由兵部給票在外取該管上司及地方官印票將所帶件數於票內註明以備出城沿途照驗俟到日將原票呈繳查銷如無票私帶及票外多帶及將原票一月以外不繳者分別官民照例議處議責

例載處分則
例關禁門

雲南臨安開化二府設立關口

一雲南臨安開化二府所屬土司均通外境於

要隘處所設立關口專派員弁駐劄巡查如

有疎漏將守口官按計名數分別議處

例載處分

則例關

禁門

青海蒙古置買鐵鍋等物

一青海蒙古有置買鐵鍋鐵鐙鐵杓等器並耕種所用之犁頭鞍轡所用之鐵什件在西寧置買者將所買數日報明辦理青海夷情事務大員查覈其爲數無多填明照票聽其出口如數多卽酌量減除在丹噶爾口置買者該處將弁查明數目准其置買仍轉報辦理青海夷情事務大員查覈至青海蒙古兵丁如有弓箭等械缺少應須製造添補者該扎

薩克呈報辦理青海夷情事務大員酌定具奏請

青玉樹等處番人所需鍋犁亦准其置買其餘鐵器一概禁止

蒙古賊犯入內地殺掠

一蒙古賊犯擅進內地殺人搶掠專汎兼轄總
兵提督分別議處俱戴罪圖功至並未傷人
搶掠牲畜等物該管官失於攔阻者將專汎
兼轄官照例處分

例載處分別
例關禁門

外番入內地

凡官員該管地方外國之人私自進口不行

查報者該管官及止司照例議處

例載處分則例關禁

門

蒙古貿易

一青海蒙古人等凡有喜喪熬茶誦經貿易各處差人該扎薩克具呈用印開明情由人數什物等項報明辦理青海夷情事務太員查覈給與印票守口弁兵查驗印票始准行走
回日繳銷

一青海蒙古人等不許在洪水口貿易外其其噶爾貿易不拘時日一次或會五六人或十數人按夥派委頭目貿易不許過二百人如

遇有事故進內地寺廟念經不拘時日行走
止許四五人以上一百人以下按夥派委頭
目行走不許過一百人如蒙古有痘自進邊
者該辦理青海夷情事務大員視其事故酌
量辦理報明理藩院查覈

外國進貢

一外國進貢順帶貨物如願自出夫力帶來京城貿易者聽如欲在彼處貿易者該總督巡撫提督委賢能官員監看嚴查違禁等物夾帶匪人貿易完日造冊報部如貢船到岸未曾到官盤驗先行接買及爲外國收買違禁貨物者俱照律治罪

外國船遭風飄入內地

一外國船隻遭風飄入內地者該地方官查明
緣由悉心照料動公項給與口糧修補船隻
俾得安全回其本國

澳門夷船給照

一西洋人附居廣東澳門大小船共二十五隻
地方官編列號數刊刻印烙各給驗票一張
將船戶舵工水手及商販夷人該管頭目姓
名逐一填註票內卽以此二十五隻爲定額
不許再行添置如實係朽壞不堪修補報明
地方官查驗明白出具印甘各結申報總督
巡撫准其補造仍用原編字號每年出口入
口時將驗票赴沿海該管營汛掛號守口官

將各船人數姓名逐一查明申報總督巡撫
存案除頭目遇有事故由該國發來更換者
聽其更換外如出口時夾帶違禁貨物併將
中國之人偷載出洋入口時將無故前來之
西洋人夾帶入口及客留居住者守口官及
該地方武職失於稽察或徇情疎縱照例分
別議處

例載處分則
例海禁門

廣東廣州廉州肇慶三府餉渡船隻准給編

號鳥鎗

嘉慶十年九月內奉

上諭據那彥成等奏餉渡船隻額准攜帶鳥鎗以資禦盜而護商旅一摺此項餉渡船隻載送客商餉貨由道內洋海面自應准其攜帶鳥鎗俾資捍衛著照該督等所請卽照出洋商船之例每船酌給編號鳥鎗四桿每次酌給火藥三斤欽此

外洋商船攜帶礮械

嘉慶九年十一月內奉

上諭前據裘行簡奏請仍禁商船配帶礮械出洋降旨諭令王德等體察情形詳議具奏茲據奏稱往販外夷之大洋船該商等貲本重大應仍准其照例每船攜帶礮位火藥烏鎗腰刀弓箭等項不得逾例多帶其在內地南北兩洋貿易商船一概不准配帶礮械等語外洋商販船隻貲重道遠若不准令配帶礮械設中途遇盜不足以資防禦然准令配帶漫無稽覈

三
恐出洋以後盜匪乘機刦奪轉致藉寇兵而齎盜糧
並恐奸商牟利以之濟匪亦所不免嗣後除內洋船
隻不准配帶外其外洋商船著照所議准其按照舊
例攜帶礮位器械等件不得有逾定額仍著於船隻
出洋時飭令海口員弁將攜帶礮械數目驗明並無
多帶填給執照放行俟該商進口時仍將原領執照
送官查驗並令該商將在洋會否禦盜據實呈明倘
礮械或有短缺卽令其將因何失落緣由詳悉聲明
一 咨記以備稽考如有捏報情事別經發覺卽將

該前按例懲治如此立定章程自可不致滋弊該督撫當嚴飭海口員弁實力奉行毋得縱容吏胥啟勒索訛詐之端爲要欽此

蒙古攜帶軍

一蒙古進口守口官兵查明人數軍器記檔出口時查對原檔多帶者不許放出其喀爾喀額魯特及各扎薩克等如有添丁新編佐領初次置買軍器或將年久破損軍器修補者理藩院查明移咨兵部給與口票該守口官驗明部票放行若比票內多帶或比原進口之數多帶者報明理藩院議罪其內地民人將軍器販賣與蒙古及守口官兵知情故縱

者俱交刑部議罪不知情放出者將守口官
并該管上司及提督總兵均照例分別議處
例載處分則總督巡撫交吏部查議如守口
例關禁門官拏獲究辦者免議

海縱廢鐵黑鉛

沿邊沿海守口官遇有廢鐵鐵貨潛出邊境

及海洋貨賣者立即拏究免其處分如徇縱

出口或賄縱或失察者均照例分別覈議

處分則例
關禁門

一馬白稅口黑鉛禁止不許販運出口如有潛

行出口地方官不行查禁者照失察廢鐵出

口例議處例載處分則
例關禁門自行拏獲者免議

稽查鐵鍋出洋

雍正九年十二月內奉

上諭據廣東布政使楊永斌奏稱鐵器一項所關甚重
不許出境貨賣律有明禁乃粵東地方出境鐵鍋凡
洋船貨賣歷年並未禁止臣到任後檢查案冊見雍正
正七八九年造報夷船出口冊內每船所買鐵鍋少
者自一百連至二三百連不等多者買至五百連差
有至一千連者查鐵鍋一連大者兩個小者四五六
個不等每連約重二十斤不等百連約重二千餘斤

如一船帶至五百連約重一萬斤帶至一千連約重二萬斤計算每年出洋之鐵爲數甚多誠有關繫臣請嗣後此項鐵鍋應照廢鐵之例一體嚴禁無論漢夷船隻概不許貨賣出洋違者該商船戶人等卽照捆載廢鐵出洋之例治罪官役通同徇縱亦照徇縱廢鐵例議處凡遇洋船出口仍交於海關監督一體稽查至於商船每日煮食之鍋仍照舊置用官役不得借端勒索滋擾如此則外洋之鐵不致日積日多於防奸杜弊之道似有裨益至煮食器具銅鍋砂鍋

俱屬可用非必盡需鐵鍋亦無不便外夷之處於朝廷柔懷遠人之德意原無違礙等語鐵斤不許出洋例有明禁而廣東夷船每年收買鐵鍋甚多則與出洋之功令不符矣楊永斌所奏甚是嗣後稽查禁止及官員處分商人船戶治罪之處悉照楊永斌所請行倘地方官弁視爲具文奉行不力經朕訪聞或別經發覺定行從重議處粵東旣行查禁則他省洋船出口之處亦當一體遵行著該部通行曉諭永著爲例特諭欽此

鐵鍋不准貨賣出洋

洋船出口除每日煮食之鍋外不許貨賣鐵鍋出洋違者照捆載廢鐵出洋例治罪官弁明知故縱或賄縱及失察者均照例分別嚴議

例載處分則如能當時拏獲者免議

例海禁門

停禁洋船運帶硫磺入口

乾隆三十四年二月內奉

上諭向來硫磺出入海口俱有例禁原因磺斤係火藥所需自不便令其私販若奸商以內地硫磺偷載出洋或外來洋船私買內地硫磺載歸者必當實力盤詰治罪乃定例於洋船進口時亦不許其私帶殊屬無謂海外硫磺運至內地並無干礙遇有壓船所帶自可隨時收買備用於軍資亦屬有益何必於洋船初來多此一番詰禁乎嗣後惟於海船出口時切實

稽查不許仍帶磺斤以防偷漏之弊違者照例究治
其各省洋船入口禁止壓帶硫磺之例概行停止著
爲例欽此

嚴禁大黃偷漏出口

乾隆五十四年閏五月內奉

上諭據長麟奏查辦大黃一摺內稱東省各州縣鋪戶人等有赴濟寧濟南二處採買大黃者俱令先赴本州縣呈明起票註明數目其河南商人轉發山東販賣時亦先赴懷慶府起票無票者均卽查拏究治等語大黃藥料爲民間療病所必需前因不准與俄僱斯交通貿易恐奸商私行偷漏是以諭令沿海各省督撫飭屬實力稽查旋經續降諭旨不可查辦過當

以致因噎廢食並令各按地方情形妥立章程發給
官票以憑查驗原恐各處海口地方偷販出洋轉售
俄僱斯希圖厚利必須嚴加查禁至內地各州縣未
可任其商販流通一概請領官票始准採買行運地
方官辦理不善非特胥吏藉端勒索擾累商人而各
州縣不肖官員亦難保無從中染指之弊以致商販
裹足藥材短缺於民間多有未便殊非朕惠愛閭閻
之意嗣後大黃一種止須於各省沿途口岸及直隸
之山海關等關口近邊地方嚴行飭禁毋許絲毫偷

漏卽陝甘兩省亦祇當於嘉峪關榆林等處加意查
察其內地省分如臺灣瓊州崇明等處地懸海外仍
著各該地方官酌定限制給與官票呈驗以防私販
偷漏其餘各州縣均聽其照常販運毋庸發給官票
以免紛擾而便民用將此通諭知之欽此

嚴禁私造渡船

嘉慶五年十二月內奉

上諭副都御史繼善奏請嚴禁沿江濱海地方私造渡船一摺所奏尙是向來沿海地方打造渡船例應呈明州縣查取澳甲人等保結並非爲匪之人方許造成至造完時仍須報明地方官驗明印烙字號給發執照出口時責成守口員弁稽查定例本屬周詳如果地方州縣及守口員弁恪遵成例實力奉行則船隻無由製造私渡盜風何難漸息乃日久廢弛地方

官不肯認真查辦而不肖員弁吏胥等甚或利其厚賄明知故縱以致劫案頻聞督撫等又以失察私造偷渡處分較重不無迴護止將盜犯按律究治而置私造偷渡處所之員弁於不問似此疎縱懈怠洋面何能肅清嗣後沿海各督撫務須督飭地方州縣及守口將弁遵照定例實力嚴查毋得仍前疎懈聽其私造私渡如遇緝獲洋盜務將船隻係由何處成造何員驗照放行有無代運物件之人及知情故縱收受賄規情弊隨摺聲明附彙以憑查辦倘經此番申

明例禁訓飭之後仍復因循舊習含糊結案必將該
省撫等一併議處以示懲儆欽此

禁止頭蠶湖絲綢緞等物出洋

一採銅商船出洋准其照例配帶綢緞二三蠶
土絲其餘商船止准照額攜帶二三蠶土絲
出洋貿易如有違例多帶及私販頭蠶湖絲
出洋該汎口武職各官知情故縱或賄縱及
失察者均照例分別覈議

例載處分則
例海禁門

查驗民人眷屬過臺灣

一內地民人眷屬給照過臺灣令廈門臺灣守
汛員弁詳細查驗如不驗明人照相符違准
放行或因失於稽查以致奸民偷渡以及徇
隱者各照例分別議處

例載處分則
列關禁門

無照民人偷渡過臺灣

一內地民人往臺灣者該地方官給與照票由
廈門盤驗出口其無照偷渡者嚴行禁止若
拏獲偷渡之人詳報該總督提督訊係逸犯
逃遣查明沿海陸路在何處出口何處藏匿
將該守口員弁及地方員弁分別失察知情
賣放窩隱照例議處治罪若無照民人眷屬
偷渡過臺灣及隻身無照民人偷渡者亦按

其失察徇隱分別照例議處

例載處分則
例關禁門

地方官能盤獲逸犯逃遣每一名准予紀錄
二次拏獲攜帶妻子脫逃之犯者每一起准
予加一級其兵目澳保能將偷渡各項人犯
在臺灣拏獲訊明屬實即將船隻貨物賞給
以示獎勵

一有照商船因風漂泊到岸者驗明牌照立即
放行如兵役藉端需索將該管兼轄各官按
其失察及知情徇縱分別覈議

例載處分別
例關禁門

自行查出究辦者均免議

一積慣船戶客頭在於內地沿海小港攪載圖利致奸民偷渡過臺灣地方官能拏獲者卽照拏獲逸犯逃遣之例議敘如不實力查拏

照偷渡之例查議

例載處分則
例關禁門

一官兵因公差委將所乘船隻偷渡無照人等過臺灣專管兼轄統轄各官或知情徇隱或失於覺察并提督總兵均各照例分別覈議

例載處分則

總督交吏部議處

例關禁門

臺灣民人越界

臺灣南勢北勢一帶山口生番熟番分界勒石界以外聽生番採捕如奸民越界墾地搭寮抽藤吊鹿及私挾貨物擅出界外者將專管官并該上司按其失察賄縱分別議處治罪

例載處分則
例關禁門

如三年之內民番相安無事

將該管官紀錄一次鄉保土官兵丁人等該總督巡撫酌加獎賞

臺灣船隻私越口岸

一臺灣流寓民人情願回籍者概免給照准其自赴鹿耳門總口將姓名年貌在臺灣在籍住址告知船戶開列總單卽由船戶持交口岸員弁驗戳掛號隨時放行其南北一帶口岸不許內地船隻往來之處仍照舊例嚴禁如有內地船隻私行越界口岸員弁失於查

禁者照例議處

例裁處分則
例關禁門

內地民人私越越南

一 廣西之南寧太平鎮安三府漢土各屬路通越南之處漢土各兵聯絡守禦互相遊巡其有內地民人潛越出外開礦者押回原籍照律治罪若兵丁擅離汛地互相推諉者責革賄縱者追贓治罪倘沿邊各官稽察不力以致民人出口潛越越南開礦者將專汛及同城不同城之兼轄統轄各官按其失察情節分別議處治罪如往越南開礦之人經由在

州賓州等處該地方專汛官失於查察者

例議處

例載處分別

例附禁門

私越朝鮮邊界

沿海商漁船隻被風飄至朝鮮境界並無照
照可據及內地民人越度沿邊關寨至朝鮮
境內者拏獲之日審明由何處出口將彼處
防守官員并該管上司及提督總兵均按其
失察徇縱分別嚴議

阿載處分別
例開禁門總督巡撫

交吏部查議

畧買番仔入口

內地民人出洋貿易違禁買回番仔入口將
守口官及該管上司分別失察知情故縱賄

縱照例議處治罪

例載處分則
例關禁門

喇嘛進香出口人數不符

一五臺等處喇嘛前往普陀進香由該省總督
巡撫咨明理藩院轉咨兵部給發路引該管
總督巡撫轉咨浙江省飭令守口官弁查驗
放行回棹後守口官弁驗明放進呈報浙江
巡撫於年終將出入人數造具清冊分送兵
部理藩院查覈如出口人數與部發路引不
符將稽查不力之守口官弁照例議處

例載處分

則例關

禁門

販運糧米議敘

一內地商民領照赴暹羅等國運米回閩接濟民食數在一千五百石以上至二千石者准給予九品頂帶二千石以上至四千石者准給予八品頂帶四千石以上至六千石者准給予七品頂帶六千石以上至一萬石者准給予把總職銜其未邀議敘者分別議敘已邀議敘未加至把總職銜者仍照米數分別遞加若已加至把總職銜又經購運米石數

多者應酌量獎賞毋庸再加職銜至帶回米石除就廈門糶賣外如情願運赴福建省城糶賣者准其由閩安鎮進口卽責成該地副將督率守口員弁稽查驗照放入運省糶濟仍按照米數分別議敘

失察販運糟麴

一富商巨賈用車船運販糟麴經過關津隘口
失於查拏者守口武職照例議處
例載處分則例關禁門

欽定中樞政考目錄卷之二十四

綠營

緝捕

承督緝各官限內案犯未獲不准陞調離任

京城盜案分別題叅限期

京城關廂內大盜糾夥刦殺

京城關廂內盜案

京城關廂外五營所屬地方失事

圓明園附近地方竊盜案件題叅限期

京城內竊案

京城竊案按季報部

京城巡捕營已滿叅限竊案分別功過

京城巡捕營未滿叅限竊案歲底彙題

外省竊案記功記過

京城五營地方發塚開棺

外省發塚開棺

京城附近地方偷盜墳塋樹木

盜田野穀麥免叅疏防

城內失事

衙署失事

衙署被劫不報

地方失事

地方一夜連劫

白晝搶奪財物

一人行劫咨參疎防

夥衆搶竊題參疎防

疑似盜案

竊賊拒捕

差官被刦

奪犯毆差

承緝盜首

蒙古藩封地方失事

題叅失事

接緝盜犯議處議敘

山海大盜

海賊登岸

查緝海賊

僞稱名號

解餉不得專委微介

疎失餉鞘

營員領餉中途疎失

申報賊情

追捕盜賊

諱盜不報

京城營員諱竊

盜劫案件批弁親詣查驗

接任接署官失察諱盜

誑報盜賊病故

上司刪減盜數

盜案推諉

五城命案推諉不報

盜賊潛匿地方

官員率獲盜犯文武會質

盜犯爲盜爲竊

沿河緯夫乘間爲盜地方官立即查拏

糧船被竊被盜

糧船被盜河員議處

漕船失風被搶

失察園場偷竊牲畜砍伐木植

園場柵木三十里以內不准開店墾地

巡捕營緝拏要犯

地方失察積年窩盜并拏獲議敘

盤獲盜犯分別議敘

緝拏多賊及搶刦重案

緝獲盜賊

協獲鄰境盜犯

巡捕營緝獲盜賊

拏獲邪教及鄰境盟黨私雕假印人犯議敘
陞路武職拏獲隣境盜犯抵銷本任承緝處
分

順天府四路捕盜員弁疎防盜案議處拏獲

盜犯議敘

擒盜卹賞

官兵因公殞命卹賞

四川乍了江卡等處防守卡汛官弁議敘議

處

失察川省匪徒

承緝生番

廣東貼防官弁處分

粵東遊巡

粵東沙灣焚塘盜案處分

陸路濱海設立巡船

東省運河設立巡船

山西葫蘆峪輪渡巡查

山東堡鋪巡緝

江西封禁山員弁巡防

嚴禁哈密小南路商民行走

浙江南田水陸文武會哨

承督緝各官限內案犯未獲不准陞調離任
一承督緝官員遇有勒限承緝盜案及各項案
犯未獲例應限緝展參限滿應降留降調革
職者除本營兵丁拔補本營外委限內調補
卸事毋庸退回外餘俱不准陞遷離任如有
將承督緝之員已經勒限緝拏錯擬保送者
除將本員撤回本任仍令限緝外將違例保
送之該管上司并提督總兵均照例分別議

處

例載處分則
例緝捕門

總督巡撫交吏部議處至論

俸推陞豫保掣陞毋庸引

見人員經兵部題准給劄後該總督巡撫有以地方
失事補叅送部者俱毋庸退回本任其處分
照離任官例議結

京城盜案分別題參限期

嘉慶二十二年二月內奉

上諭英和等奏南營汛地南橫街地方舉人劉經裕家
被盜將專汛都司及參將遊擊等參奏交部議處一
摺此案盜犯執持器械嚇禁事主強刦銀物近在輦
轂之下實屬目無法紀著步軍統領衙門五城一體
嚴拏務獲按律懲辦至向例京城地方盜案三月無
獲始行題參未免過寬嗣後京城外七門以內尋常
竊盜案件三月限滿題參如有執械嚇禁強刦之案

二月無獲卽行題叅其九門以內尋常竊盜案件二月題叅強刦之案一月無獲卽行題叅著爲令欽此

又奉

上諭巡視北城御史德莊等叅奏疎防盜案坊官一摺此案盜犯持械入室嚇禁事主強刦銀物膽敢於輦轂之下肆行無忌該管文武員弁非尋常疎防可比北城吏目梁習敏著卽革去頂帶專汛營弁著步軍統領衙門查明亦卽革去頂帶均勒令上緊緝拏獲犯之日奏明開復頂帶如限滿無獲卽行叅處嗣後

京城九門以內及外城七門以內有似此強劫之案
該坊汛員弁俱先行革去頂帶勒限嚴緝欽此

京城關廂內大盜糾夥劫殺

一大盜糾夥多人在京城關廂內五營地方將人殺傷劫去財物專汛都司守備千總把總外委兼轄副將叅將遊擊統轄步軍統領總兵初叅二叅限滿不獲均各照例分別議處所有加級紀錄俱不准抵銷兵丁革退交刑部治罪接緝專汛兼轄各官初叅二叅限滿不獲亦各照例分別覈議

例載處分則
例緝捕門

京城關內盜案

連三門關廂內盜案專泚都司守備兼轄副
將叅將遊擊以及千總把總外委該泚馬步
兵丁初叅無獲並二叅限內獲盜不及一半
及全未獲盜者各照例議處責革治罪如一
年限內全獲及拿獲首夥過半准其開復盜
案照案緝拿如獲盜過半而盜首窩家未獲
專泚兼轄各官均分別照例覈議

例載處分
則例緝捕

京城關廟外五營所屬地方失事

一京城各門關廟以外五營所屬地方盜案於
被劫報官之日爲始扣限三個月題參疎防
到部照道路村莊失事四參設有墩鋪之例
辦理

圓明園附近地方竊盜案件題叅限期

一

圓明園附近之侯家莊過街樓水磨村侍衛營吉
水莊成府村旱河橋槐樹街蔣家衙衙杭家
村佟府村紅樓雙斗橋南樓門掛甲屯五空
閘馬廠東門一畝園自得園大有莊坡上松
樹畦青龍橋城關青龍橋安河橋豐益倉石
作村稍子營蕭家河村老爺廟前河沿樹村
街二河閘三十三村莊遇有尋常竊盜案件

二月限滿無獲卽行題叅持械嚇禁事主強
劫之案一月限滿無獲卽行題叅各照本例
分別議處

京城內竊案

一京城五營地方被竊巡捕營官員以失竊之日起勒限緝拏限內獲賊及半免其查叅如係隣汎官拏獲者仍酌減議處獲不及半者將專汎武職議處勒限緝拏限內全獲或獲賊及半者准其開復如逾限不獲照例覈議

例載處分則
例緝捕門

一京城巡捕營承緝竊案人員緣事離任接緝之員無論初叅限內限外到汎均限一年緝

拏限滿不獲照例議處完結

例載處分則
例緝捕門

京城竊案按季報部

一京城巡捕營遇有竊案事主呈報後步軍統領衙門嚴飭專汛員弁勒限緝拏仍三月一次將被竊之案按其月日先後彙冊報部查覈限滿不獲將專汛官職名照例開叅如於限內該汛自行拏獲及隣境拏獲者隨時報部銷案

京城巡捕營已滿營限竊案分別功過

一京城巡捕五營武職有捕務克勤所轄地方盜竊稀少遇有保題之時許其開明保奏外至承緝竊案二叅限滿照案緝拏後上年議結之案歸入下年彙叅該步軍統領分別已獲未獲於年終彙覈咨部統計一年內報竊之案能拏獲及半者毋庸記功記過其獲不及半者每五案記過一次拏獲及半之外復有多獲者每五案記功一次記過至四次者

照例議處

例載處分則
創緝捕門

記功至四次者紀錄

一次俱以次遞加緝獲前官任內竊案及本
任內竊賊滿貫之案每案記功一次俱准其
將記過之數抵銷

京城巡捕營未滿叅限竊案歲底彙題

一京城巡捕營專汛武職承緝竊案每年截至十一月底止彙冊開叅其十二月初一日以後俱歸入下年彙造步軍統領衙門於十一月底查明按數造冊咨報兵部覈議有能於二叅年限之內拏獲賊犯者每二名紀錄一次以次遞加倘一年內叅限未滿之案在五案以上未獲一名及十五案以上未獲一名并三十案以上未獲十分之二者俱照例分

別議處例載處分則
例緝捕門

外省竊案記功記過

一外省營汛地方統計一年內報竊之案承緝官能拏獲及半者毋庸記功記過其獲不及半者每八案記過一次拏獲及半之外復有多獲者每五案記功一次凡記過至四次者照例議處

例載處分則緝捕門

記功至四次者紀錄

一次俱以次遞加如緝獲前官任內竊案及本任內竊賊滿貫之案每一案記功一次俱准將記過之數抵銷若承緝官未及一年離

任者其接任承緝官按其任月日報竊案
數已獲幾案未獲幾案分別記功記過

京城五營地方發塚開棺

一京城五營地方發塚開棺見屍之兇犯在逃如有不獲將承緝官照例按限議處倘有隱匿不報及見屍捏作見棺者照例處分接緝官能於限內拏獲首犯者准其紀錄一次首從全獲者准其紀錄二次若有未獲按其於初參限內限外接緝分別定議若創墳止見棺槨並未見屍及將創挖見棺匿不詳報者

承緝官各照例議處

例載處分則
例緝捕門

外省發塚開棺

外省發塚開棺見屍之兇犯在逃不獲將專

批承緝官按限議處倘有隱匿不報及見屍

捏作見棺者照例處分

例載處分則
例緝捕門

外省地方遇有發塚止見棺槨並未見屍之

案

如揭開棺蓋顯露屍身之案照見屍之例
查議若未經開棺僅止鑿洞摸竊並未顯

露屍身者照止見
棺槨之例辦理

及將刨挖見棺匿不詳報

者專管官各照例分別覈議

例載處分則
例緝捕門

一外省刨墳見屍之兇犯在逃拷緝官如有未

獲按其於初參限內限外接緝分別照例處

分例載處分則
例緝捕門

京城附近地方偷盜墳塋樹木

一附近京城地方墳塋樹木如有偷砍盜賣者
將失於查察之地方官照例議處

例載處分則例緝捕

明

盜田野穀麥免禁疎防

一盜田野穀麥菜果及無人看守器物
職專兼統轄各官俱免疎防叅處

城內失事

一外省城內民舍被劫專汛官外委官同城兼

轄統轄提督總兵及不同城兼轄統轄提督

總兵均各分別叅限照例議處

例載處分則
例緝捕門

若兼轄統轄各官獲賊一半者免議承緝官

獲犯及半兼獲盜首者亦免議如被鄰境及

文職拏獲均照例酌減議結

衙署失事

一城內官署倉庫被刦及搶奪獄犯專管官外
委官同城兼轄統轄提督總兵及不同城兼
轄統轄提督總兵各官均各分別叅限照例
議處

例載處分則
例緝捕門

其被刦之本署官有兼轄

兵民之責者照專管官例議處若止行刦署
中物件倉庫監獄無失者承緝督緝官俱照
城內民舍被刦例議處本署官有兼轄兵民
之責者亦照專管官例議處兼轄統轄官獲

賊一半者免議承緝官拏獲及半兼獲盜首者亦免議若係被刦之本署官拏獲地方官未及協拏或地方官自行拏獲被刦之本署官未及協拏均照隣境獲犯之例議處

一凡城外大小文武衙署倉庫被刦該督撫照限查叅專汛官外委官及兼轄統轄均各照例分別叅限議處

例載處分則
例緝捕門

其被刦之本

署官有兼轄兵民之責者照專汛官處分若止行刦署中物件倉庫無失者承緝督緝各

官俱照地方失事設有墩鋪之例議處其被
劫之本署官有兼轄兵民之責者亦照專汛
官例議處如兼轄統轄官獲賊一半者免議
承緝官獲犯及半兼獲盜首者亦免議若係
被劫之本署官拏獲地方官未及協拏或地
方官自行拏獲被劫之本署官未及協拏均
照鄰境獲犯之例議處

一文武衙署被竊除有關倉庫錢糧者仍照盜
案例分別城內城外題叅疎防外其止行竊

署中物件承緝官分別賊數已未滿貫照例
扣限覈議其管轄兵民之武職專管官衙署
被竊毋論賊數已未滿貫均再照防範不嚴
例處分若不行申報別經發覺者將失事之
員議處限緝限內有無拏獲照例分別辦理
其無兵民責任之弁衙署被竊不報者議處
已報者免議

例載處分則
例緝補門

衙署被劫不報

一衙署被盜如有兼轄兵民之責者隱匿不報
及以強報竊者叅革仍留該地方勒令設法
出貲懸賞雇覓民壯與接任官協同緝捕如
已獲盜過半准其回籍若逾限不獲勒令
緝三年方准回籍其無兵民責任之弁衙署
被劫不報照例議處

例載處分則
例緝捕門

已報者免

議

地方失事

一道路村莊失事提督總兵例不議及外其專

汛外委兼轄等官各按其有無墩鋪防兵

或離

五里以內及離墩鋪防兵五里以內均作有

墩鋪論離城五里以外及離墩鋪防兵五里

以外者均作分別參限照例議處

例載處分則例緝捕

門其副將以下官員作統轄官題參者照兼

轄官例處分若兼轄統轄官獲賊一半者免

議專汛協防官獲賊及半兼獲盜首者亦免

其議處

地方一夜連劫

一凡城內及道路村莊如有一家連夜被劫及
一夜連劫數處無論是否一案盜夥三個月
限滿不獲將專管兼轄統轄各官均照例分
別議處例載處分則如於限內獲盜及半兼
獲盜首者均免其議處逸犯照案緝拏

白晝搶奪財物

一賊犯夥衆白晝搶奪財物傷人及並未傷人

而賊至滿貫者將該管各官照盜案例題參

疎防

如在京城關廟內照開廟內盜案例議處如在各省城內照城內失事例議處

若係關廟以外及道路村莊均照地方未傷失事例按其有無墩鋪防兵分別議處

人者以起意搶奪之人爲盜首傷人者以下

手傷人之人爲盜首如已獲起意搶奪及下

手傷人兇犯免其衆處未獲餘犯照案緝拏

若搶奪並未傷人賊非滿貫同夥不及十人

者無論道路家內船內巡捕營并外省承緝
官均分別叅限照例議處

例載處分別
例緝捕門

一八行劫各案疎防

京城巡捕五營及各省城內城外如有一人

行劫或一人行竊臨時行強或一人白晝搶

奪拒捕傷人及並未傷人而贓至滿貫者均

毋庸題參疎防

巡捕營扣限二個月各案各
省城內城外扣限一年各案

仍各照盜案本例分別議處

例載處分則
巡捕門

夥衆搶竊題衆疎防

一京城巡捕五營及各省城內城外如有賊犯
白晝搶奪至十人以上雖未拒捕傷人賊匪
滿貫及竊賊至十人以上雖不行強將專兼
統轄各官題參疎防各照盜案本例議處
處分則例如能將首犯拏獲者免其參處未
緝捕門獲餘犯照案緝拏

疑似盜案

京城巡捕五營如有讐盜未明之案照文職緝兇之例一體扣限查叅將專汎官議處若限內將兇犯緝獲審係盜案仍令步軍統領衙門確實聲明將專兼各官改照盜案例分別辦理如審明實係盜案隱匿不報者照諱盜例辦理

例載處分則
例緝捕門

一外省武職平常盜案仍於限內題叅其驗明並無失物情形係讐盜未明之案者限內報

明兵部將武職職名存案俟文職緝獲兇犯
審明如實係盜案將武職專兼統轄各官題
叅照盜案疎防例辦理如審明實係盜案隱
匿不報係文職隱匿交吏部議處武職隱匿
交兵部議處均照諱盜例辦理

例載處分則
例緝捕門

一地方命案如有刦奪情形無論人數多寡卽

照盜案扣限題叅若以讐盜未明具報希圖
倖免處分者亦照諱盜例辦理

例載處分則
例緝捕門

夥竊拒捕

一夥竊拒捕之案按限題叅疎防以下手拒捕之人爲首犯照盜案例議處如能將拒捕匪犯拏獲免其叅處餘賊照案緝拏仍入案終竊案叅

差官被刦

一奉差官及赴任官員被刦無護送官兵者將
專汛兼轄各官議處有護送官兵者若在該
汛所屬地方失事又係本汛官兵護送被刦
者將專汛兼轄並統轄官均照例議處若被
賊刦殺擄掠者將專汛兼轄統轄各官亦按
其有無護送官兵照例分別議處

例載處分
則例緝捕

門

奪犯毆差

一地方遇有應行審辦各項罪犯經兵役緝獲
在途被匪徒糾夥搶奪毆傷兵役者該督撫
照盜案例扣限題案將疎防各官照道路村
莊失事例分別有無墩鋪議處以四案完結
如有隱匿不報照諱盜之例議處

例載處分
則例緝捕

門

承緝盜首

一專訊協防各官承緝盜犯如於限內拏獲夥盜及半而盜首不獲者另行起限勒緝若承緝盜首在本案三叅以前者均以二叅完結三叅以後者均以一叅完結各按其有無墩鋪分別議處

例載處分則
例緝捕門

一夥盜拏獲及半其盜首果係病故查有確據者於疏內聲明免其承緝處分如有捏報病

故者照諱盜例議處

例載處分則
創緝捕門

一承緝盜犯專汛官如訊明盜犯有窩家者獲盜及半兼獲盜首窩家始准免議如於限內已獲夥盜及半兼獲盜首而本案窩家未獲者承緝官仍照盜首不獲例議處

例載處分則刻緝捕

門

蒙古藩封地方失事

一蒙古藩封地方失事扣限查叅將捕盜千總

照例分別叅限議處

例載處分別
例緝捕門

題叅失事

一總督巡撫題叅盜案本省限四個月兼管省
分限六個月提督題叅盜案限四個月俱以
失事之日爲始扣算具題如有逾限專責具
題之提督覈計月日處分不許分坐該屬官
弁若該管武職逾限不行詳報者該提督卽
將遲延之員扣明逾限月日隨疏附叅不得
將專兼各官公出日期扣算倘疎防限內有
前官未及詳報離任經接任官具文詳報者

應將疎防限期前後接扣如有遲延係前官
遲延後官免議如後官亦有遲延均按其逾
限月日分別查叅

接緝盜犯議處議敘

一接緝盜犯之員按疎防限內限外接緝照例

分別議處

例裁處分則
例緝捕門

其未滿年限卸事者

免其議處賊犯令再接緝官勒限一年緝拏

限滿不獲按疎防限內限外議處如接緝官

於議處之後離任其再接緝之弁亦免議凡

接緝官但能獲盜雖不及半亦免其議處能

拏獲及半者紀錄二次全獲者紀錄三次若

賊夥止二三名接緝官於一年限內拏獲一

半兼獲盜首及拏獲過半者於免議之外仍
紀錄二次其拏獲一半盜首未獲者止免其
議處毋庸議敘

山海大盜

一山海大盜千百成羣攻陷城池臨陣竄遁該
總督巡撫提督總兵將標下武職各官特奏
按其罪之輕重照例治罪

海賊登岸

一海賊登岸侵犯城池殺傷兵民未能即時

獲或海賊上岸焚燬鄉村劫擄男婦或祇係

被賊擄劫並未焚燬鄉村者專汎兼轄統轄

總兵提督各官均照例分別議處

在洋分巡官照

專汎官例議處總巡統轄至失事地方兼管官

聞賊已經申報兼統各官聞報退縮不前

提督總兵聞報不卽帶兵進剿以及賊船飄

突奪船擄兵同行總兵將備不行率師追擊

以致官兵損傷者亦各照例分別覈議如海
邊居民被賊登岸刦掠並未擄去男婦亦未
焚燬鄉村者該督撫題參疎防照海洋失事
例議處若海賊乘夜入城殺傷兵民者專汛
官雖經擊退受傷仍將專汛兼轄統轄各官
照例處分例載處分則如海賊登岸並未殺
傷兵民卽能擊剿殺退者免議

查緝海賊

一沿海各省總督巡撫提督總兵嚴飭守口各官及內地所屬地方官弁將海賊通行查拏務期淨盡如果無匪類令該管地方官按季具結申報上司轉行報部倘出結之後此等賊犯經別汛拏獲供出從前潛匿處所將供出之該地方官照例議處

例載處分則
網巡洋門

偽稱名號

一盜賊偽稱名號侵犯城池或盜賊聚衆堅旗放礮焚燒鄉村刦擄婦女殺傷兵民以及聚衆焚燒鄉村刦搶財物者尋汛兼轄統轄總兵提督各官照例分別議處至盜賊嘯聚地方鄰近之將軍提督總兵都統副都統總管城守尉防守尉及副將叅將遊擊等官不親身領兵協剿止遣防禦驍騎校守備千總把總等官協剿或本地方專管官聞賊申報遲

延及兼轄統轄各官轉報遲延並總督巡撫
提督總兵聞報不遣發官兵會剿以致賊勢

蔓延官兵失利者均各照例覈議

例載處分則例緝捕

門

總督巡撫交吏部議處若有此等盜賊竄

發能迅速剿捕等語者從優議

解餉不得專委微弁

乾隆五十一年八月內奉

上諭此案命派不慎之代辦臨武營中軍守備左哨把
總李廷璧護臨武營叅將桂陽營中軍守備張憲俱
著交部嚴加議處及該鎮之總兵亦不得無過並著
嚴加議處至各省營領解兵餉理宜差都司守備等
員赴省關領方爲慎重乃湖南臨武營請領本年夏
秋二季餉銀僅派把總李光斗赴省關領把總係微
末之弁以致中途失去餉桶實屬疎玩嗣後各省營

員應如何按照銀數僉差大員之處著該部一併議

奏摺請發欽此

疎失餉鞘

一運解餉鞘應撥官兵護送如數至十萬兩以上者咨明沿途總督巡撫酌派附近大路之遊擊都司守備等官督率弁兵分起護送逐程交替不得概委微弁護送若鎮店路途遇有盜賊刦竊餉鞘原派解官及護送之時隨等俱革職地方官獲賊之後解官如係京官令其帶革職之案在原衙門効力行走若受外任帶革職之案仍赴原省差委効力不准

食俸均俟四年無過開復護送將備等官與

解官一律辦理其失事地方專汛官及兼轄

統轄并提督總兵各照例分別辦理

刻誠處
分明例

解支至疎失銀兩俱照例分賠其應得處分

不得以銀兩自行賠完卽予開復倘該員等

逾限不完卽着落家產按數追賠如有不敷

令各上司分賠

一餉鞘被竊如鞘失夫逃不能交出原夫卽失

事在別處地方亦將撥夫僉差之武職員弁

照失事地方官一例議處

例載處分則
例解支門

解官押鞘潛行小路不出大道不執票赴營

汛掛號撥兵護送者遇有疎失該營汛官止

照盜案疎防例議處

例載處分則
例緝捕門

遇解餉鞘到汛如解官欲就小路不遵營汛

官勸阻該營汛官卽報本省總督巡撫提督

總兵題參如希免護送聽其由小路行走查

出將該汛弁照例覈議其解官執持兵票赴

營汛取兵護送該汛弁不照定數撥給無故

短派兵丁者解官報明該總督巡撫題叅將
專管兼轄各官按其已失事未失事照例分
別議處至各營汛所派兵丁中途私回者解
官報明該總督巡撫題叅將失察之專管官
亦按其已未失事照例分別議處

例載處分
則例解支

門私回之兵丁責革

營員領餉中途疎失

一各營領餉統計每月應領銀數在一萬兩以下一千兩以上者遴派守備一員一萬兩以上者遴派都司一員赴省請領營務暫委隣近營員兼理其離省寫遠或地近苗疆營分按兩月及一季或兩季應領銀數於遴委都守之外加派千總一員協同領解其分防營分計一營應領銀兩爲數無多或都守不便輕離汎地卽遴選強幹千總一員再加派外

委一員協同照料至請領銀兩數在一千兩以上至一萬兩者撥兵一名民壯二名一萬兩以上至二萬兩者撥兵二名民壯四名二萬兩以上者酌量添撥逐程護送并令於住宿處所酌撥兵役協同巡防如有疎失將承領之員革職地方官獲賊之後承領之員帶革職之案仍同原處當差四年無過開復其原委上司及該管總兵均照例覈議至沿途接護地方員弁及該管將備等官均照餉額

被失之例分別議處

例載吏分則例解支門

所失銀兩

著落承領之員分賠十分之六失事地方州縣分賠十分之四如承領之員實係力不能完卽著落僉差不愼之上司賠補

申報賊情

一申報賊情汛防各官務將殺人劫物情形詳查確訛明白申報上司移會各處緝拏若備端搜擒賊黨傷害無辜良民者將本官叅革提問失察之兼轄統轄及提督總兵照例分別議處

例載處分別
創緝捕門

總督巡撫交吏部覈議

追捕盜賊

一凡地方有大盜行劫事主卽於本日呈報如
夜間被盜卽於次日呈報如呈報之時該管
官不行接受或地方就近可以追及盜賊不
速行擒獲致賊脫逃或不行窮追或不親身
馳追止差弁兵追趕者俱照例覈議如事主
隔二三日呈報盜賊已經遠遁者該汛各官
卽照地方失事例議處至附近營汛各官經
事主呈報不行接受或以失事非其汛地不

行追捕或不親身馳追止差弁兵追趕以及盜賊經過隣汛該管官止趕出本汛界外不行窮追及不親身率領官兵馳追止差弁兵追趕者均照例分別議處

例載處分則
例緝捕門

至地

方有大盜行劫該總督巡撫提督總兵將此等情由逐一查明題參倘有含糊隱飾不行開參後被查出如係徇庇屬員照徇庇例議處如係諱匿照諱盜例議處

盜不報

地方失事隱匿不報或以強爲竊以多爲少
或賄囑事主通同隱匿者將專汛官并扶同
隱匿之副將叅將遊擊都司守備等照例議
處如兼轄統轄各官止失於覺察者分別同
城不同城百里內外及失於查叅之提督總
兵均各照例分別覈議

例載處分則
例緝捕門

該總督

巡撫提督於題叅疏內將知情失察及同城
不同城并道里在百里內外之處聲明如專

汎官諱盜各上司有能查出申報者免議

武職各官拏獲盜犯供出先次行劫之處審
明仍行查該總督巡撫若事主已經報官將
該管各官照諱盜例處分若事主未經報官
該管官查出補報者該總督巡撫取具專兼
統轄各官並無諱盜印結報部部內免其駁
查卽照疎防例議處如未經查出補報者將
失察之專汎官并同城不同城百里內外之
鄰轄統轄官均照例議以失察處分未獲盜

犯仍照疎防例議處如專汛官失察兼統各
官查出申報者免議專汛官仍照例議處若
結報後別經告發或科道糾參確查諱盜屬
實將從前諱盜及發覺後仍行捏結之專汛
官并扶同加結之兼轄統轄各官均照例分
別嚴議例載處分則
例緝捕門
一諱盜之案若限內賊已全獲者該管各官俱
免其議處

京城營員諱竊

一京城五營地方如有被竊案件令事主報明
該營武職勒限緝拏若事主呈報該管官隱
諱不行詳報者步軍統領查叅將專管都司
守備千總把總外委均照例議處兼轄副將
叅將遊擊明知被竊扶同隱諱亦照該營專
管官之例處分自行查出揭報者免議如事
主未報該管官實無諱竊情弊仍照五營緝

竊之例辦理

例載處分則
例緝捕門

盜竊案件汎弁親詣查驗

一地方具報失竊案件經文職官訊明如有強
劫情節會同營汎親詣事主之家查驗果係
強劫據實通報如實係竊案亦將事主原報
呈詞備細抄錄出具並無抑勒諱飾印甘各
結隨文申送其呈詞內如有強劫情節該管
武職並未聲明親詣查驗者令該武職上司
指駁查驗如文員會同武職查驗而該管武
職並不親詣確查及該上司並不指駁查驗

參送到部卽實係竊案亦將不親詣之武弁
及不指駁之上司議處如該管武職有畏疎
防承緝處分借端嚇阻抑勒事主改供以強
報竊及刪滅強劫情形轉報者照例覈議若
事主以強報竊之案後經發覺仍令該管武
職據實查申報該案巡撫提督總兵取
具專摺兼轄各官從前並無諱盜印結報部
其未經確實朦混出結者將捏報官并失同
解結之上司各照例議處

例載處分則
例緝前門

拔任接署官失察諱盜

一前官諱盜之案接任官於到任三個月內查出揭報如逾限不能查出別經發覺將接任官并拔任之同城及不同城百里內外兼轄統轄各官均照例分別議處到任未及三個月者免議接署各官亦照拔任官例議處

處分則例

緝捕門

捕獲盜賊病故

地方失事限年緝賊之員將未獲盜賊謊報
已經病故或失事之時勒令減報盜數者將
該員及失於詳查據以轉報之兼轄統轄官
與未經詳覈具題之提督均照例議處
則例緝捕門

上司刪減盜數

一營汛官地方失事如上司各官將專管官申報盜數擅自刪減或專管官申報盜數遺漏或漏開失事營汛官職名者俱照例議處

處分則例

新捕門

盜案推諉

本汛失盜彼此推諉不報者照詳盜例處分
如已經申報復彼此推諉者將推諉官并轉
詳官均照例分別議處

例載處分則
例緝捕門

五城命案推諉不報

一五城五營地方凡有人命該管武職如互相

推諉查明地界將該管武職照例議處

例載處分

則例緝

捕門

地方

一 匪地方該管官失於稽察經別處行

獲供出從前居住地方將原住地方之

該管專汛官并兼轄統轄各官均照例分別

議處

例載處分則
例緝捕門

一 盜賊遠颺潛往他省地方已有實據經失事

地方官關移查緝該汛專管官不實力協拏

或縱令轉窩隣境者照例議處

例載處分則
例緝捕門

營員拏獲盜犯文武會質

乾隆二十八年十一月內奉

上諭陳宏謀奏營兵獲賊恐有到縣翻供情弊請令原
獲營員會質一摺所見實切事理地方文武均有緝
匪之職乃州縣捕役中之猾狡者平時以豪賊爲故
習或經弁兵首先躡獲既不利於已而有司等亦以
非獲自捕役未免心存畛域輒於送審之時任其狡
展巧爲開脫外省積習相沿已非一日若遇有翻供
之案令州縣官移詢原獲弁兵據實確訊詭計自無

欽定中樞政考

卷二十四

緝捕

李

可施而營伍緝捕責成更專於民生殊有裨益
所請行摺併發欽此

新疆遣犯爲盜爲竊

一新疆犯所遣犯責令該管官不時稽察如有

盜竊及在配爲盜者將該管官與差官

官計案分別照例議處

例載處分則
例緝捕門

沿河緣夫乘間爲盜地方官立即查拏

乾隆五十三年六月內奉

上諭據長齡奏拏獲嶧縣地方偷盜布政使奇豐額眷屬船隻之首夥各犯嚴審定擬一摺已批交軍機大臣會同行在法司覈擬速奏矣又據另摺奏嚴訊獲犯李三卽李四據供上年六月曾糾約拉緯爲生之王振江等在直隸靜海縣行劫學政劉權之眷屬船隻旋據委員等將王振江拏獲解省審訊並分咨查辦等語前因內河地方盜賊等膽敢公然偷劫行旅

並官員之船遭其受累者不少曾降旨令沿河督撫嚴飭地方文武員弁上緊緝拏以安行旅茲據東省將兩案盜犯盤獲訊據各該犯供稱向在運河上拉緯有時在船上順便偷竊等語東省所辦尚屬認真沿河緯夫最易滋事當白晝人多之際卽受雇拉緯一遇晝夜無人時卽乘機攫竊甚至如李三等之糾集衆匪搶劫官員之船肆行無忌甚爲可惡經朕降旨嚴緝東省卽拏獲多人可見沿河員弁平時旣不嚴密稽察迨有盜賊之案又不認真緝捕以致竊劫

其間著再傳諭該督撫務須嚴飭各員弁多派兵役
於沿河一帶梭織巡查所有緯夫人等並嚴加管束
毋許仍前滋事以戢奸徒而靖地方至李三卽李四
等屢行盜劫官員之船情節重大此等人犯一經審
明卽應正法若因其有應行質訊之處暫行監禁轉
致要犯稽誅况該犯等自知罪在不赦往往供出別
案希冀行查待質得以苟延時日或致別滋事端更
屬不成事體其情有可原之楊五各犯該撫雖屬照
例辦理但沿河地方緯夫衆多若將該犯等僅擬外

道轉無以示懲卽覈其情罪不至於死亦應於犯事
處所永遠枷號俾往來人等觸目警心共知畏懼方
爲妥協著軍機大臣等遵照另行覈擬速奏至嶧縣
知縣沈則文前經革職留緝今旣將案犯拏獲並究
出靜海縣盜案尙屬奮勉著卽予開復仍令該撫出
具考語送部覈見其原任天津鎮總兵托賓泰天津
道王成於所屬盜犯日久未能拏獲卽留於該處協
緝亦不能得力托賓泰王成均著革職令其回本旗
當差不與錢糧現任天津鎮總兵強都天津道慶章

雖劉體之眷船被劫一案非伊二人任內之事但到任接辦日久不能迅速獲犯轉被鄰省拏獲究屬督辦不力都廉章俱着交部議處欽此

糧船被竊被盜

一糧船被竊該旗丁呈報本幫運弁移知地方
官緝賊追賊卽照舊前進不必守候如被強
劫該州縣會勘畢卽立給印票催趲前進將
被盜緣由報明漕運總督及巡漕御史查覈
倘兵役勒捐需索聚在官人役取受有事人
財計贓以枉法科罪該管千總把總照失察
在官人役犯贓例議處

例載處分則
例緝捕門

一糧船經過汎地如有強劫之案將該專汎武

職照城內民舍被刦例議處兼轄官照城內民舍被刦不同城例議處如有竊案專汛官照衙署被竊例分別贓數已未滿貫議處例載處分則例緝捕門

一漕船停泊之夜重巡押空千總率領本幫丁舵人等輪流防護如有被盜及被竊者將領運官計案議處倘隱匿不報分別盜案竊案議處如有不法舵工水手私將外匪勾留容隱串同盜竊失察之該運千總照例嚴議

處分則例
緝捕門

該運千總能拏獲別幫別案尋常
盜犯者卽照營員緝獲別汛夥盜之例每名
紀錄一次若果有出色之員能拏獲別幫盜
首及獲破盜竊積案巨窩者漕運總督於該
運千總交糧事竣後卽照拏獲隨境盜案之
例分別辦理

糧船被盜河員議處

一直隸河間天津沿河武職員弁各按本管河
岸於糧船入境之日起回空之日止一體查
拏盜賊如能獲破大案分別議敘遇有疎防
失事照例議處至該地方專汛官不得因有
他員協緝輒行諉卸如有失事仍照疎防例
處分

例載處分則
例緝捕門

漕船失風被搶

一黃河兩岸捕魚小船令清河縣造冊編號責令該處管河縣丞河標把總經管約束遇有糧船失風該把總失於約束稽察致有乘機搶掠之事或被旗丁首告或經催漕之員稟報查參照例議處

例載處分則
例緝捕門

失察圍場偷竊牲畜砍伐木植

嘉慶十五年十月內奉

軍機大臣會同刑部議奏私入圍場偷竊牲畜砍伐木植人犯罪名一摺此等人犯潛入圍場於牲畜木植私行偷竊並竊取茸角不可不嚴行禁止該犯等多係圍場外附近居民及蒙古人等該管官若查拏嚴密自不致奸民屢干例禁嗣後拏獲此等人犯如審係附近圍場外居民將該管廳縣議處如係蒙古將該管扎薩克議處其如何立定處分著原議軍機

大臣會同該衙門詳議具奏至圍場北柵外向有開設店鋪自係該民人貪利在彼窩竊茸角等項亦應嚴行驅逐此後相去柵口若干里方准開設之處著一併議奏欽此

道光元年九月內奉

上諭慶惠奏圍場偷打牲畜罪名請照舊例間擬一
摺木蘭圍場中偷打牲畜及偷砍木植罪名屢經
議定茲據慶惠奏偷畜與偷木情同事異一概計
罪未免無所區別著照所請除盜砍木植仍

照現例分別贓數定擬外其偷打牲畜之犯改照
嘉慶九年舊例不論贓數初犯杖一百徒三年再
犯發新疆等處種地三犯發新疆等處給兵丁爲
奴旗人犯者銷除旗檔照民人一律辦理蒙古人
犯者初次照現例枷責再犯三犯亦照旗民一體
治罪均面刺盜圍場字樣爲從及未得贓者各減
一等刑部卽載入則例遵行欽此

一圍場南面西面地方係灤平豐寧二縣及承
德府管轄由東南面迤邐至北面係喀喇沁

翁牛特巴林蒙古旗地其民人屬平泉州赤
峯縣管轄北面係克什克騰蒙古旗地西北
面係察哈爾正藍旗地該處民人東附於赤
峯縣西附於多倫諾爾廳如承德府屬地方
民人及園場附近居民有潛入園場盜砍木
植經園場總管拏獲者將失察之該管地方
都司守備千總把總等官按人犯罪名之輕
重議處如一案內有首從各犯按首犯應擬之罪名議處該管副將
於所屬失察僅止罰俸者免其處分若屬員

例應降級者將該管副將照例議處

例載處分則例

禁衛門倘該員弁有能拏獲隣汎偷砍木植人

犯者每一案紀錄一次如拏獲本汎偷砍木植人犯每二案紀錄一次

一蒙古扎薩克察哈爾等處賊犯有從承德府

屬武職該管汎地潛入圍場偷砍木植人犯

將專汎官按人犯之罪分別照例覈議

例載處分

則例禁衛門該管副將亦照前例分別議處有能

拏獲者亦照前例議敘

一承德府屬地方民人潛入圍場偷打牲畜經
圍場總管拏獲卽會同該州縣等查辦該管
都司守備千總把總等官失察者按其一年
內失察案數分別議處該管副將一年內失
察在三案以內者免議至四案者自第四案
起照例議處

例載處分則
例禁衙門

該員弁有能拏

獲隣境打牲人犯者每一案紀錄一次拏獲
本汛打牲人犯每二案紀錄一次

圍場柵木三十里以內不准開店墾地

嘉慶十六年六月內奉

上諭毓秀溫承惠奏查辦圍場北柵外店鋪窩鋪一摺
所有北柵外舊有大道旁開設各店鋪卽著照所議
分別留存拆挪辦理其該處租種蒙古地畝民人亦
應立定章程不得在距柵木三十里以內招認開墾
並蓋窩鋪以杜偷漏圍場鹿隻茸角嗣後距柵木三
十里以內有開設店鋪及開墾地畝者如何責成查
禁其查禁不力之該管地方官并招募民人開墾之

蒙古扎薩克章京等作何查察查叅辦理並著直隸
總督會同熱河都統妥議章程具奏欽此

一圍場柵木三十里以內該管地方武職隨時
稽察如有民人開設店座及蒙古王公等招
募民人私墾地畝該管官卽拆毀驅逐申報
熱河都統將蒙古王公等查叅如地方官失
於查察別經發覺照管理圍場章京員弁失
察偷漏之例議處若兵丁受賄縱容將失察
之該管官照例叅議

例載處分則
刑禁衛門

巡捕營緝拏要犯

一凡京城奉

旨捕緝人犯及毆斃人命並關繫要案人犯脫逃經
管應捕之員在城外者責成該汛都司守備
千總把總外委若於一月限內有獲拏獲者
免議如有不獲分別參限照例議處
緝捕若非經管應捕之員并該上司大臣能
於一月以內拏獲一名紀錄二次一月以外
拏獲一名紀錄一次

地方失察積年窩盜並拏獲議敘

一地方有積年窩盜之家隱藏賊匪各處行劫寄頭贓物武職專汛兼轄統轄各官平日失於查拏經隣境失事訪知派兵役拏獲該督撫將本汛地方武職據實題參將專汛兼轄統轄各官均照例分別議處

別載處分則能
例羅捕門

於未經破案之前自行訪獲者免議協同隣境拏獲者均減一等議處

一地方武職拏獲隣境盜劫案內窩家者加一

級

盤獲盜犯分別議敘

乾隆二十九年十一月內奉

上諭嗣後有能盤獲劫掠等大案者准督撫專摺具奏送部引見請旨其查出尋常逃入賊匪白一案至數案者令各省於年終詳具事實等差彙摺奏明交部分別議敘以示鼓勵欽此

緝拏多賊及搶刦重案

一各省武職將備員弁令提督總兵官一體督率就近查考除拏獲小賊隨時酌賞外如緝拏多賊及搶刦重案并舉發捕役叅劾者積窩者守兵准其拔補馬戰馬戰拔補分委外委拔補把總把總拔補千總至千總以上各員如果實力緝捕屢破積窩拏獲重大案犯該總督巡撫提督總兵記名酌保加具切實考語具題請

旨可否送部引

見恭候

欽定如該管營員失於查拏該總督巡撫提督總兵
查出卽行題參將專汛兼轄統轄各官照例

分別議處

例載處分別
糾緝捕盜

緝獲盜賊

一直省營汛各官有能於一月以內

以隣境失事之日計

算拏獲隣境案內首盜者加一級再紀錄一

次如一月以外拏獲隣境案內首盜者加一

級俱隨招將拏獲首盜月日註明兵部分別

議敘其拏獲鄰境夥盜者無論一月內外每

一名紀錄一次兼轄官總計一年內所屬各

官有獲盜議敘至加一級或紀錄四次者將

兼轄官咨部紀錄一次再有多者以次遞加

獲盜兵役係一月以內拏獲首盜者賞銀二十兩拏獲夥盜者每名賞銀十兩如一月以外拏獲首盜者賞銀十兩拏獲夥盜者按每三名給與半賞銀五兩俱令原失事地方官捐給若原失事地方官有離任者該總督巡撫暨武職統轄官捐給

一承緝官如能將一案盜犯於疎防限內迅速全獲者每案紀錄二次如止係一人搶刦雖限內拏獲止免疎防處分不准議敘

協獲隣境盜犯

一官員協獲隣境盜犯無論首從准其前後接
算數至二名者紀錄一次四名者紀錄二次
五名以上者加一級再有多者以次遞加均
不准送部引

見

巡捕營緝獲盜賊

一巡捕五營官員拏獲外來潛匿兇盜等犯由
步軍統領奏請議敘俟刑部覈覆罪名知照
過部如係罪應凌遲斬絞立決并請

旨卽行正法者兵部行令步軍統領將該員出具考
語送部帶領引

見候

旨陞用係尋常斬絞監候人犯每一名加一級若並
非外來潛匿祇係各該管地方命盜案犯由

別汎地方拏獲者照拏獲命犯及隣境盜犯

例分別議敘

見上緝獲盜賊條又雜犯門拏獲命犯議敘條其由前

官任內脫逃經接任官拏獲者仍照接緝官

拏獲盜犯例議敘

見上接緝盜犯議敘議處條

拏獲邪教及隣境盟黨私雕假印人犯議敘
一武職官員拏獲邪教人犯應由該督撫臨時
奏請獎勵恭候

欽定外其拏獲隣境盟黨私雕假印人犯均照拏獲
隣境盜犯例按其首從分別議敘

陸路武職拏獲隣境盜犯抵銷本任承緝處
分

一各省陸路武職本任內有承緝盜案未獲如
能拏獲隣境首夥盜犯一案數在五六名以
上者無論應議降留應議降調均准其議抵
案數多者照此以次抵銷若本任內先有四
叅議以降留之案亦卽准其計案開復若本
任並無承緝盜案或承緝之案業經抵銷完
畢又能拏獲隣境盜犯一案者准其送部引

見如拏獲隣境盜犯僅能及半未獲盜首者仍照例

按名議敘不准送部引

見

順天府四路捕盜員弁疎防盜案議處拏獲

盜犯議敘

順天府四路同知所屬地方遇有失事該督

題叅疎防將捕盜千總把總外委照地方設

有墩鋪防兵之例議處

例載處分則
例緝捕門

如該員

弁等有能拏獲隣境及本境真賊正盜一名

者該督及府尹等咨部准其銷去本任疎防

一案能將本任承緝案件陸續銷完係千總

已屆年滿卽由該督及府尹等出具考語咨

部查覈題取引

見發回原任歸於候推班內銓選若發回之後續有盜案及私罪降革留任仍停其陞轉外其因公里誤案件俱准其推陞將處分之案帶於新任或有俸滿後承緝案件尚未銷完該員緝捕勤能堪膺保送亦准其送部引

見歸入候推班內照巡捕營之例推陞

見考拔門

倘該員

到營後能於所轄地方三年內並無盜劫重案該督等出具考語送部帶領引

見題有該省題補守備缺出卽行題補其把總外委
抵銷處分分別獎拔之處悉照千總一律辦
理倘該員弁等有協同拏獲將協獲之員每
二名准其銷去疎防一案如止協獲一名准
其註冊俟續有協獲併計抵銷

擒盜卹賞

內外官兵擒拏盜賊被傷致死者照陣亡例
給賞其被傷平復能當差者照打仗受三等
傷例給賞如被傷雖未致死身已殘疾不能
當差者照打仗受頭等傷例給賞若因傷亡
故者均照軍營傷發亡故之例分別限內限

外議卹

詳載議
功例內

官兵因公殞命卹賞

一官兵因公差委遇有事故以致斃命者照陣亡例減半之半給與卹賞

四川乍丫江卡等處防守卡汛官弁 敘議

處

一四川察木多迤東乍丫江卡梨樹石板溝阿
足等處汛弁如一年之內所管地方並無夾
壩滋事由駐藏大臣將在汛備弁開列職名
咨部准其紀錄一次如有搶劫案件俱照內
地盜案疎防之例加等議處

例載處分則
例緝捕門

矢察川省匪徒

一川省匪徒罪該軍流以上或被隣境盤獲或因別案發覺地方官失於覺察并訪知川省匪徒入境未能弋獲僅止驅逐或接到隣境關會未能弋獲致犯遠颺者均照例分別議處

例載處分則

例緝捕門

一境內川省匪徒能於半年以內拏獲一起者加二級半年以外始行拏獲者功過相抵不准議敘至拏獲隣境川省匪徒審明犯該斬

絞者拏獲之員每一名加一級罪止發遣者
每一名紀錄二次若文職拏獲武職並未協
同拏獲者仍照例議處

承緝生番

一生番突出焚殺者扣限查察將專汛官照例

按限議處

例載處分則
創緝捕門

廣東貼防官弁處分

一廣東將軍總督巡撫提督總兵標下官弁
防地方附近村莊河道失事將貼防官弁附
叅俱照專汎一體辦理

粵東遊巡

一廣東將軍總督巡撫提督各標每標備哨船
十隻按季輪派官兵併於附近水師內酌撥
舵水教習配駕船隻遊巡附近河道遇有失
事遊巡官卽照地方失事專汛例辦理若於
限內卸事疏內確實聲明照離任官例議結
例載處分則
例緝捕門

一廣東陸路遊巡官兵每年自八月初一日起
至二月初一日止輪派弁兵遊巡不得滋事

金匱要略卷之二十一
遇有失事卽照前例議處

一江南內河輪派官兵遊巡遇有失事照粵東
遊巡官例議處

一接巡官將前官未獲盜犯拏獲過半者紀錄
二次全獲者紀錄三次

粵東沙灣菱塘盜案處分

一廣東永靖營駐劄番禺縣屬沙灣菱塘地方

如各屬拏獲盜犯訊係沙灣菱塘兩處之人

究明偷越月日將失察之汛口員弁照失察

奸民出口例分別名數議處

例載處分別若
例緝捕門

因沙灣菱塘俸滿業經陞用人員前任內有

該二處強劫之案別經拏獲仍照前例分別

名數覈議其非由沙灣菱塘俸滿卽陞者仍

按其失察名數照隣境獲犯之例減等議處

陸路濱海設立巡船

一沿海各省所屬陸路濱海汛口及江河中流要處該總督巡撫督撫總兵詳酌確勘設立巡船在於該處巡緝遇有失事地方失事之例辦理例載處分則若於限內卸事照離任官例議結

東省運河設立巡船

一山東省運河自嶧縣臺莊至德州柘園水路
迢遙設立巡船三十隻均勻駐泊責令沿河
十八州縣選派幹役營汛派撥弁兵督駕巡
緝遇有失事將派巡官照地方失事專汛例

辦理

例載處分則
例緝捕門

山西葫蘆峪輪派巡查

嘉慶二十三年三月內奉

上諭御史馮清聘奏請查緝匪徒一摺山西交城縣屬
葫蘆峪地方毗連陝甘山深林密素易藏奸前經衡
齡奏准每歲春秋二季派翼寧道撫標中軍叅將巡
查一次茲該御史秦巡查派有專員恐有迴護情弊
著傳諭成格嗣後葫蘆峪春秋二季巡查著於通省
道府及將領大員內輪流遴派責令親歷周查認真
訪緝毋得仍派專員徒以結報塞責致成具文欽此

山東堡鋪巡緝

嘉慶二十三年十月內奉

上諭御史盛唐奏山東省汶上茌平高唐一帶時有匪徒夤夜塗面執械劫奪商民該御史入都經由東省目擊沿途各堡鋪豎立竹竿黃旗大書查拏匪類字樣而各鋪房巡夜支更虛無一人等語東省近日盜風甚熾節經降旨交該撫督飭地方官嚴密查拏茲據該御史奏該地方官並不認真緝捕但豎立黃旗虛張聲勢似此有名無實匪徒何所畏忌該省爲南

北通衢士子商民絡繹道途若令行者皆有戒心成
何事體著和舜武卽嚴督地方文武官員整飭捕務
嚴緝匪徒沿途堡鋪巡役更夫均責令自昏達旦常
川巡緝勿得虛文塞責塗飾耳目務期禁暴詰奸以
收實效欽此

江西封禁山員弁巡防

道光二年閏三月內奉

上諭曹振鏞等會議孫玉庭等覆奏籌議封禁山巡
防稽察章程一摺江西省封禁山界連浙閩地方
遼闊最易藏奸據各該督撫等委員會同確查並
無流民潛匿惟既有附近居民樵採恐將來不免
匪徒潛跡自應設法豫防著照所議嗣後各該督
撫等無分畛域務督率文武員弁實力巡防俾附
近土著民人不敢進山樵採如有外來流民立即

嚴拏究辦庶奸宄無可潛踪總期封禁嚴明稽查
周密毋致日久視爲具文其設卡處所如查有弁
兵等缺額曠班及巡查員弁偷安匿報情弊卽當
據實嚴叅懲辦倘該管上司扶同徇隱別經發覺
定行一併懲處不貸餘依議欽此

嚴禁哈密小南路商人行走

嘉慶二十二年六月內奉

總長齡奏請飭禁哈密小南路以重巡防一摺新疆
地方經由道路俱設有墩臺營汛稽查往來行旅且
沿途更換路照定制綦嚴此小南路係後來踴出僻
徑其間三百餘里並無臺汛屢經封閉若復任聽行
走不特奸商私販致多偷越卽逃匪潛行亦無從盤
詰著將由哈密至奇臺之小南路永遠封閉如再有
商民私由此路行走者查獲照例治罪再有新疆大

臣奏請復開或私令商民行走者亦治以違旨之重
罪決不姑恕欽此

浙江南田水陸文武會哨

一浙江南田陸路石浦同知象山縣知縣會同
駐汛營弁分班按月輪流入山周巡一次每
逢四月九月寧波府會同象山協入山周巡
一次南田水路寧海營參將於每年十二月
會同寧波府合搜一次該營守備於每年二
月會同象山縣合搜一次金澤門等處均係
游民偷入南田要路附近定海鎮標中營黃
巖鎮標左營各按兩月帶領兵船會同該管

昌石健跳二營巡哨一次昌石健跳二營按月會巡一次寧紹台道及定海黃巖二鎮於每年三月內在九龍港會哨時前赴南田巡查一次均令於查畢之後出結通報仍由閩浙總督將會哨巡查員弁姓名日期造冊送部查覈

一浙江南田水路均有汛防巡查兵役人等倘有得錢包庇致有游民私入禁地舉煎情事將該兵役並疎防之該管各官分別查參究

請即選各官前來交替之期亦令文武員弁
會查明確實無涉民在山溝匿跡名出結案
准後任接受如故受之後查有弊端即行
分別查參